

全上古三代秦漢三國六朝文

全晉文卷一百三十七

烏程嚴可均校輯

戴逵

逵字安道，譙國人。徙居會稽剡縣。孝武時，累徵散騎常侍、國子博士、國子祭酒，皆不就。太元末，復徵太子中庶子，會病卒。有竹林七賢論二卷、集十卷。

流火賦

火憑薪，曰傳焰。人資氣，曰享年。苟薪氣之有歇，何年焰之恆延。初學記二十五

離興賦

挾鳴琴于林下，理織綸于長浦。迴餞行于越江，送猗人于西渚。初學記十八

棲林賦

浪迹瀕瀕棲景箕岑

文選江淹雜體詩注

幽關忽其離機玄風暖日雲積

文選頭陀寺碑文注

與所親書

近在剡如入官舍

世說棲逸又見菰文類聚三十六

荅范甯問馬鄭二義書

夫易者當使用日則廢月可得言易耳鄭曰哭日準平生之月而謂之易且無服之殤非唯周親七歲曰下也他親長中降而不服故傳曰不滿八歲曰下皆為無服之殤也如馬義則曰此文悉關諸服降之殤者若如鄭義諸降之殤當作何哭邪若復哭其生月則總麻之長殤決不可二百餘日哭鄭必推之于不哭則小功之親曰志學之年成童而天無哭泣之位恐非有情者之所允也

九十

與遠法師書

安公和南弟子常覽經典皆曰禍福之來由于積行是已自少束修至于白首行不負于所知言不傷于物類而一生艱楚荼毒備經顧景塊然不盡唯已夫冥理難推近情易纏每中宵幽念悲慨盈懷始知修短窮達自有定分積善積惡之談蓋是勸教之言耳近作此釋疑論今已相呈想消息之餘脫能尋省戴安公和南

輕三廣弘明集二十

重與遠法師書

安公和南間作釋疑論已寄其懷故呈之匠者思聞啟誨既辱還告開示宗轍并送周郎難甚有趣致但理本不同所見亦殊今重仲鄙意答周復已相呈旨誠可求而辭不自囑想脫覽省戴公和南

釋藏輕三廣弘明集二十

答遠法師書

安公和南辱告并見三報論旨喻宏遠妙暢理宗覽省反復欣悟

兼懷弟子雖伏膺法訓誠信彌至而少遊人林遂不涉經學往已
艱毒交纏聊寄之釋疑已自據散此蓋情發于中而形于言耳推
其俗見之懷誠爲未盡然三報曠遠難已辭究弟子尋當索歸必
覲展冀親承音旨益祛其滯諸懷寄之周居士戴安公和南

廣弘明集

十二

山贊

蔚矣名山亭亭洪秀竝基二儀巖巖雪構嵯峨積阻寥籠虛岫輕
霞下拂神泉翦湫曰仁奚樂惟茲比壽

藝文類聚七

水贊

水德淡中泉玄內鏡至柔好卑和協道性止鑒標貴上善興詠爰

有幽人擁輪來映

初學記六

琴贊

至人託玩導德宣情微旨虛遠感物悟靈

初學記十六

酒贊 并序

余與王元琳集于露立亭臨觴撫琴有味乎二物之間遂共爲之贊曰

醇醪之興與理不乖古人旣陶至樂乃開有客乘之隗若山頽目絕羣動耳隔迅雷萬異旣冥惟元有懷

初學記二十六又略見書鈔一百四十八

顏回贊

神道天絕理非語象不有伊人誰憐誰仰際盡一時照無二朗契

彼玄迹冥若影響

藝文類聚二十

尙長贊

尙叟冲順庸行昏世和龍婉約玄識罔滯瞻彼崇高俄爲塵翳亦有同好潛莊夙契超超增翫眇眇偕逝跡絕青崖影滅雲際

藝文類聚

三十

申三復贊

嗜好深則天機淺，名利集則純白離。如此故識鑒逾昏，驕淫彌太。
心與慎乖，則理與險會。然後役智，曰御險履險，曰逃害。故陰陽寇
其內，人力政其外，陰陽結，則金石爲之消。人事至，則雖智不足賴。
若然者，雖翠幄華堂，焉得而康之。列鼎重味，焉得而嘗之。
藝文類聚二十

閑遊贊

昔神人在上，輔其天理，知溟海之禽，不曰籠樊服養，櫟散之質，不
曰斧斤致用，故能樹之于廣漠，棲之于江湖，載之曰大猷，覆之曰
玄風，使夫淳朴之心，靜一之性，咸得就山澤樂閒，曠自此而箕嶺
之下，始有閑遊之人焉。降及黃綺，逮于臺尚，莫不有曰保其太和，
肆其天真者也。且夫巖嶺高則雲霞之氣鮮，林藪深則蕭瑟之音
清，其可曰藻玄瑩素，疵其皓然者，舍是焉。故雖援世之彥，翼教之
傑，放舞雩，曰發詠，聞乘桴而懷鳳，汎乎道非方內，體絕風塵，理楫

長謝歌鳳逡巡。盪人疵于玄流。澄雲崖而頤神者哉。然如山林之客。非徒逃人患。避爭門。諒所已翼順資和。滌除機心。容養滄淑。而自適者。爾況物莫不已適爲得。已足爲至。彼閒遊者。奚往而不適。奚待而不足。故蔭映巖流之際。偃息琴書之側。寄心松竹。取樂魚鳥。則澹泊之願于是畢矣。然奇趣難均。玄契罕遇。終古皆孤棲于一巖。獨玩于一流。苟有情而未忘。有感而無對。則緘斤寢絃之歎。固已幽結于林中。驟感于遐心。爲日久矣。我故遂求方外之美。略舉養和之具。爲雜贊八首。暢其所託。始欣閒遊之遐逸。終感嘉契之難會。已廣一往之詠。已抒幽人之心云爾。

茫茫草昧。綿邈玄世。三極未鼓。天人無際。萬器既判。靈朴乃鑒。實有神宰。忘懷司契。冥外旁通。潛感莫滯。總順巢高。兼應夷惠。緬矣遐風。超哉絕步。願揖百王。仰怡泰素。矜其天真。外其翬務。詳觀羣品。馳神萬慮。誰能高佚。悠然一悟。

藝文類聚
三十六

松竹贊

猗歟松竹獨蔚山臯肅肅修竿森森長條

藝文類聚
八十八

放達爲非道論

夫親沒而採藥不反者不仁之子也君危而屢出近關者苟免之臣也而古之人未始曰彼害名教之體者何達其旨故也達其旨故不惑其迹若元康之人可謂好遯跡而不求其本故有捐本徇末之弊舍實逐聲之行是猶美西施而學其顰眉慕有道而折其巾角所曰爲慕者非其所曰爲美徒貴貌侶而已矣夫紫之亂朱曰其侶朱也故鄉原侶中和所曰亂德放者侶達所曰亂道然竹林之爲放有疾而爲顰者也元康之爲放無德而折巾者也可無察乎且儒家尙譽者本曰興賢也既失其本則有色取之行懷情喪真曰容貌相欺其弊必至于末儻道家去名者欲曰篤實也苟失其本又有越檢之行情禮俱廢則仰詠兼忘其弊必至于本薄

夫偽薄者非二本之失而爲弊者必託二本曰自通夫道有常經而弊無常情是曰六經有失二政有弊苟乖其本固聖賢所無奈何也嗟夫行道之人自非性足體備闇蹈而當者亦曷能不棲情古烈擬規前修苟迷擬之然後動議之然後言固當先辨其趣舍之極求其用心之本識其枉尺直尋之旨採其被褐懷玉之由若斯塗雖殊而其歸可觀也跡雖亂而其契不乖也不然則流遞忘反爲風波之行自驅曰物自詭曰僞外眩鄙華內喪道實曰矜尙奪其真主曰塵垢翳其天正貽笑千載可不慎歟

晉書載
述傳

釋疑論

安處子問于元明先生曰蓋聞積善之家必有餘慶積不善之家必有餘殃又曰天道無親常與善人斯乃聖達之格言萬代之宏標也此則行成于己身禍流于後世惡顯于事業獲罪乎幽冥然聖人爲善理無不盡善積宜歷代皆不移行無一善惡惡相承亦

富百世俱聞是善有常門惡有定族後世修行復何益哉又有束修履道言行無傷而天罰人楚百羅備嬰任性恣情肆行暴虐生保榮貴子孫繁熾推此而論積善之報竟何在乎夫五情六欲人心所常有斧藻防閑外事之至苦苟人鬼無尤于趣舍何不順其所甘而強其苦哉請釋所疑曰祛其惑先生曰善哉子之問也史遷有言天之報施善人何如哉荀悅亦云飾變詐而爲姦詭者自足乎一世之間守道順理者不免飢寒之患二生疑之于前而未
能辨吾子惑之于後不亦宜乎請試言之夫人資二儀之性已生稟五常之氣已育性有修短之期故有彭殤之殊氣有精粗之異亦有賢愚之別此自然之定理不可移者是已堯舜大聖朱均
是育瞽叟下愚誕生有舜顏回大賢早夭絕嗣商臣極惡令卞克
昌夷叔至仁餓死窮山盜跖肆虐富樂自終比干忠正斃不旋踵
張湯酷吏七世珥貂凡此比類不可稱數驗之聖賢既如彼求之

常人又如此故知賢愚善惡修短窮達各有分命非積行之所致也夫曰天地之元遠陰陽之廣大人在其中豈唯稊米之在太倉毫末之于馬體哉而匹夫之細行人事之近習一善一惡皆致冥應欲移自然之彭殤易愚聖于朱舜此之不然居可識矣然則積善積惡之談蓋施于勸教耳何曰言之夫人生而靜天之性也感物而動性之欲也性欲既開流宕莫檢聖人之救其弊因神道曰設教故理妙而化敷順推遷而抑引故功元而事適是曰六合之內論而不議鑽之而不知所由日用而不見所極設禮樂曰開其大朦名法曰束其形跡賢者倚之曰成其志不肖企及曰免其過使孝友之恩深君臣之義篤長幼之禮序朋執之好著背之則爲失道之人譏議曰之起向之則爲名教之士聲譽曰之彰此則君子行己處心豈可須臾而忘善哉何必循教責實曰期報應乎苟能體聖教之幽旨審分命之所鍾庶可豁滯于心府不祈驗于冥

中矣處子乃避席曰夫理蘊千載念纏一生今聞吾子大通之論

足已釋滯疑祛幽結矣僕雖不敏請佩斯言

廣弘明集二十

荅周居士難釋疑論

間已暇日因事致感脫作釋疑已呈法師既辱還告并送來難辭
喻清口致有旨歸但自覺雖先觀者莫悟所見既殊孰是能正敬
懷未悟請共盡之僕所爲能審分命者自呼識拔常均妙鑒理宗
校練名實比驗古今者耳不謂淪溺生死之域欣感失得之徒也
苟能悟彭殤之壽夭則知修短之自然察堯舜于朱均已得愚聖
之有分推淵商之善惡足明冥中之無罰等比于盜跖可識禍福
之非行既能體此難事然後分命可審不祈冥報耳若如來難宅
情于理則理未可喻請求諸已其明効矣此乃未喻由于求已非
爲無理可喻也若舍已而外鑒必不遠而復矣

難曰勸教之設必仿實而動直爲訓之方不可已一塗而盡僕豈

謂聖人爲教反真空設邪。答曰：夫善惡生于天理，是非由乎人心。因天理以施教，順人心以成務，故幽懷體仁者，挹元風而載悅；肆情出轍者，顧名教而內撝。功元物表，日用而忘其惠；理蘊冥寂，濤之不見其宗。非違虛教，已眩于世也。是以前論云：神道已設教，故理妙而化敷，順推遷而抑引，故功元而事適者也。

難曰：安于懷仁，不沒其身，臧會已僭，有後魯國，則分命所鍾于何而審？元明之唱，更爲疑府矣。答曰：斯乃所已明，善惡之有定，不由于積行也。若夫仁者爲善之嘉行，安于懷而受福，僭者反理之邪事，臧會爲之而獲後，良由分應沒身，非履仁之所移。命當爲後，非行僭之能罰，豈異比干忠正而嬰割心之戮？張湯酷吏而獲七世之祐哉？苟斯理之不殊，則知分命之先定矣。乃同元明之有分，非爲成疑府也。

難曰：古之君子知通否之來，其過非新賢愚壽夭，兆明是昔，楚穆

呂福濃獲沒蔡靈呂善薄受禍邠宛呂覺深莫救宋桓呂愆微易
唱荅曰夫通否非新壽天自昔信哉斯言是僕所謂各有分命者
也若夫福濃獲沒覺深莫救此則報應之來有若影響蔡靈呂善
薄受禍商臣宜呂極逆罹殃宋桓呂愆微易唱邠文應用行善延
年而罪同罰異福等報殊何明鑒于蔡宋而獨昧于楚邠乎君所
爲不祈驗于冥中影響自微不期在于應報而慶罰已彰于斯蹟
矣

難曰然則天網恢恢疏而遂失邪莫見乎隱莫顯乎微但盈換藏
于日用交賒昧于理緣荅曰夫天理冥昧變狀難明且當推己兆
于終古考應報之成跡耳至于善惡禍福或有一見斯自遇與事
會非冥司之真驗也何呂明之若其有司當加之治國長之一家
善無微而不賞惡無纖而必罰使修行者保其素履極逆者受其
酷禍然後積善之家被餘慶于後世積不善之家流殃咎乎來世

乎而今則不然或惡深而莫誅或積善而禍臻或履仁義而亡身
或行肆虐而降福豈非無司而自有分命乎若曰盈換藏于日用
交賒昧于理緣者但當報對遲晚不切目前耳非爲善惡舛錯是
非莫驗推斯而言人之生也性分夙定善者自善非先有其生而
後行善曰致于善也惡者自惡非本分無惡長而行惡曰得于惡
也故知窮達善惡愚智壽夭無非分命分命元定于冥初行跡豈
能易其自然哉天網不失隱見微顯故是勸教之言耳非元明所
謂本定之極致也既未悟妙推之有宗亦何分朋之可審乎將恐
向之先覺還爲後悟矣言面未日聊曰謹敘

廣弘明
卷二十

竹林七賢論

嵇康字叔夜與東平呂安少相知友每一相思輒千里命駕

御覽
四百

九

嵇紹入洛或謂王戎曰昨于稠人中始見嵇紹昂昂然野鶴之在

雞羣

藝文類聚卷九十一

阮籍字嗣宗性樂酒善嘯聲聞百步箕踞嘯歌酣放自若時蘇門山中忽有真人在焉籍親往尋其人于巖巔遂登嶺從之箕坐相對籍乃商略終古自問之屹然不應籍因對之長嘯有頃彼乃漸然笑曰可更作籍又嘯意盡退還半嶺巔喑然有聲若數部鼓吹顧瞻乃向人之嘯也

藝文類聚卷九十二

魏朝封晉文王固讓公卿皆當喻旨司空鄭冲等馳使從阮籍求其文立待之籍時在袁孝尼家所宿醉扶而起書几板爲文無所治定乃寫符信

書鈔一百三十三
御覽七百一十

籍之抑渾蓋自渾未識己之所自爲達也後咸兄子簡亦自曠達自居父喪行遇大雪寒凍遂詣浚儀令令爲它賓設黍臠簡食之自致清議廢頓幾三十年是時竹林諸賢之風雖高而禮教尙峻迨元康中遂至放蕩越禮樂廣譏之曰名教中自有樂地何至于

此樂令之言有旨哉謂彼非玄心徒利其縱恣而已

世說任誕篇注

籍歸遂著大人先生論所言皆胸懷間本趣大意謂先生與己不

異也觀其長嘯相和亦近乎目擊道存矣

世說棲逸篇注

籍與伶共飲步兵廚中竝醉而死此好事者爲之言籍景元中卒

而劉伶太始中猶在

世說下之上注

劉伶病酒渴甚從婦求酒婦捐酒毀器涕泣諫曰君飲太過非播

生之道必宜斷之伶曰甚善我不能自禁唯當視鬼神自誓斷之

耳便可具酒肉婦曰敬聞命供酒肉于神前請伶祝誓伶跪而祝

曰天生劉伶以酒爲名一飲一斛五斗解醒婦人之言慎不可聽

便飲酒進肉隗然已醉矣

世說任誕篇注云見竹林七賢論御覽四百八十

劉伶嘗醉與俗人相忤其人攘袂而往必欲毆之伶顧而笑曰雞

肋不足曰安尊拳

御覽二百七十一

秀爲此義讀之者無不超然若已出塵埃而窺絕冥始了視聽之

表有神德玄哲能遺天下外萬物雖復使動競之人願觀所徇皆
悵然自有振拔之情矣

世說文
學篇注

山濤與阮籍嵇康皆一面而契若金蘭濤妻韓氏嘗曰問濤濤曰
當年可爲友者唯此二人耳妻曰負羈之妻亦觀狐趙意欲一窺
之可乎濤曰可也二人至妻勸濤留之宿具酒食夜穿牖而窺之
濤入曰所見何如吾妻曰君才殊不如也正當曰識度相友濤曰
然伊輩亦當謂我識度勝

御覽四百九又
四百四十四

高令袁毅爲政貪濁賂遺朝廷曰營虛譽嘗遺山濤絲百斤眾人
莫不受濤不欲爲異乃受之命內閣懸之梁上而不用也後毅事
露案驗眾官令吏至濤所濤于梁上下絲已數年塵埃黃黑封印
如初已付吏

御覽四百九十
三又八百十四

咸寧中吳旣平上將爲桃林華山之事息役弭兵示天下曰大安
于是州郡悉去兵大郡置武吏百人小郡五十人時京師猶講武

山濤因論孫吳用兵本意濤為人常簡默蓋曰為國者不可已忘

戰故及之

世說識鑒篇注

永嘉之後諸王構禍狡虜欻起皆如濤言

世說識鑒篇注

濤之處選非望路絕故貽是言

世說政事篇注閻注曰關東有大牛和鳩鞅裴楷

案正文云有署

引王隱晉書云潘岳內非密為作謠

王戎眸子洞徹視日而眼明不虧

藝文類聚十七

王戎幼而清秀魏明帝于宣武場上為欄苞虎牙使力士袒裼迭

與之搏縱百姓觀之戎年七歲亦往觀焉虎乘間薄欄而吼其聲

震地觀者無不辟易顛仆戎亭然不動帝于閣上見之使問姓名

而異焉

水經穀水注御覽八百九十二

初籍與戎父渾俱為尚書郎每造渾坐未安輒曰與卿語不如與

阿戎語就戎必日夕而返籍長戎二十歲相得如時輩劉公榮通

士性尤好酒籍與戎酬酢終日而公榮不蒙一桮三人各自得也

戎爲物論所先皆此類

世說簡傲篇注

王戎女適裴氏用墮女爲貨錢一萬久而不還女歸戎色不悅遽

還錢乃釋

御覽三百八十八

王戎爲侍中南郡太守劉肇遺戎筒中布五十端戎不受而厚報

其書議者曰爲譏世祖患之爲發詔議者乃息

御覽八百二十

王戎簡脫不持儀形好乘巴白馬雖爲三司率爾私行巡省田園

不從一人已手巾插腰戎故吏多至大官相逢戎輒下道避之

御覽

七百十六又八百九十七

王濟嘗解襖洛水明日或問王濟曰昨日游有何論議濟曰張華

善說史漢裴逸民敘前言往行衮衮可聽安豐侯道子房季札之

間超然玄著

載文類聚四又五十五御覽三十

俗傳若此潁川庾爰之嘗曰問其伯文康文康云中朝所不聞江

左忽有此論蓋好事者爲之耳

世說喪逝篇王濬冲爲尚書令過黃公酒壚謂昔與嵇阮酣飲于此

注云

阮咸善彈琵琶

藝文類聚四十四

諸阮前世皆儒學善居室唯咸一家尚道棄事好酒而貧舊俗七

月七日法當曬衣諸阮庭中爛然錦綺

御覽作並列縹錦又作莫非錦縹

咸時總

角乃豎長竿挂大布犢鼻褌于庭中人問之曰未能免俗聊復爾

爾

世說任誕篇注御覽六百九十六又八百十六藝文類聚四北堂書鈔一百五十五

咸既追婢于是世議紛然自魏末沈淪閭巷逮晉咸寧中始登王

途

世說任誕篇注

賜進士出身一品銜廣東等處提刑按察使司按察使兼管驛傳事務黃岡王毓藻校刊

全晉文卷一百三十七終

全晉文卷一百三十八

烏程縣

蘇彥

彥孝武時爲北中郎參軍有蘇子七卷集十卷

芙蓉賦

偉芙蓉之萋萋耀焯焯之丹花舒紅采于綠沼映的皪于朱霞

類聚八十二

浮萍賦

余嘗汎舟遊觀鼓檝川湖觀浮萍之飄浪乃觸水而自居體任適

目應會亦隨遇而靡拘伊弱卉之無心合至理之冥符

藝文類聚八十二

秋夜長

晨暉電流目西逝閑宵漫漫其未央牛女隔河已延佇列宿雙景

目相望輕雲飄霏目籠朗素月披曜而舒光時禽鳴于庭柳節蟲

吟于戶堂零葉紛其交萃落英颺已散芳觀遷化之道邁悲榮枯之靡常貞松隆冬已擢秀金菊吐翹已凌霜

藝文類聚二

鷺詩序

時暫出郡忽聞鷺鳴聲甚哀急乃云野人所致外吏規爲方便已俟送客聞之悵然又感莊生善鳴之雁若其無音將充庖廚豈得放任矯翮籠樊

藝文類聚九十一

舜華詩序

其爲花也色甚鮮麗迎晨而榮日中則衰至夕而零莊周載朝菌不知晦朔況此朝不及夕者乎苟映采于一朝耀穎于當時焉識天壽之所在哉余既玩其葩而歎其榮不終日

藝文類聚八十九

女貞頌序

昔東阿王作楊柳頌辭義慷慨旨在其中余今爲女貞頌雖事異于往作蓋亦已厲治容之風也女貞之樹一名冬生負霜葱翠振

柯凌風故清士欽其質而貞女慕其名或樹之于雲堂或植之于階庭

藝文類聚卷八十九

語箴

孔子曰余欲無言又曰天何言哉赫胥之世大庭之治玄風陶鼓率直放志熙熙羣動無欲無事逮于三季奔競茲彰雷動風駭飛辯雲翔戰國紛擾爭霸稱疆爾乃遊說縱橫騁技時王銜刃懷毒吐膏示芳利動春露害重冬霜四紀若馳七都翦亡爰茲末俗扇風簸颺先意承旨原情察鄉擯爾邊豆和樂且康

藝文類聚卷十九

隱几銘

良匠造器妙巧應規俯仰灼照商略神奇假物興思須臾忘疲

北堂書鈔一百三十三

卽竹杖銘

安不忘危任在所杖秀矣雲竹勁直條暢節高質貞霜雪彌亮圓

已應物直已居當妙巧無功奇不待匠君子是扶逍遙神王藝文類聚

六十九又略見書鈔一百三十三

楠櫪枕銘

珍木之奇文鬱理鮮廉稜方正密滑貞堅朝景西翳夕舒映天書倦接引酣樂流連繼已高詠研精上玄頤神靖魄須已寤眠藝文類聚

七十御覽七百七

柏枕銘

寢貴無想氣和體平御心已道閑邪已誠色空無著故能忘情北堂書鈔

一百三十四藝文類聚七十

蘇子

謹案隋志道家梁有蘇子七卷晉北中郎參軍蘇彥撰亡舊新唐志皆七卷宋不著錄蓋唐末復亡羣書引見尚多釋其詞譽商韓而詆孟子亦各言其志也然而誤矣漢志縱橫家別有蘇

子三十一篇蘇秦撰王伯厚謂卽鬼谷子未審信否近有爲鬼谷子篇目攷者采御覽等書所引蘇子三條指爲蘇秦則尤誤嘉慶丁丑歲冬十月

夫人生一世若朝露之託于桐葉耳其與幾何後漢王符傳注蘇文類聚八十八初

學記二十六帖二御覽

微生與婦人期不來水至抱橋柱而死蘇文類聚九引蘇子蘇秦語燕王有此見戰國策及史記疑非

蘇彥姑錄之

車渠馬腦出于荒外今冀州之土曾未得其奇也蘇文類聚八十一作土

蘭昌芳自燒膏曰肥自燬翠曰羽殃身蟀曰珠破體是曰公孫賀

得丞相而涕泣而知滿之有毀朝之有莫也北堂書鈔九十九御覽九百八十三

行務應規步慮投矩文選陸機長安有缺邪行注

蜀郡鄧公呼吸成霧初學記二御覽十五

天子坐九重之內樹塞其門旒曰翳明衡曰隱聽鸞曰抑馳御覽七十

六

夫帶方寸之印

一作施

丈人之組戴貂鶚之尾建千丈之城游五

里之衢走卒警蹕

一作

叫呼而行此諸侯之所謂榮華

時一作俗之所

謂富貴也

御覽四百七十四又九百二十四

不食八珍何曰知味之奇不爲文學何曰知世之資

御覽六百七

立君臣設尊卑杜將漸防未然莫過乎禮哀王道傷時政莫過乎

詩導陰陽示悔吝莫過乎易明善惡著廢興吐辭令莫過乎春秋

量遠近賦九州莫過乎尚書和人情動風俗莫過乎樂治刑名審

法術莫過乎商韓載百王紀治亂莫過乎史漢孟軻之徒濶濬其

間世人見其才易登其意易過于是家著一書人書一法雅人君

子投筆硯而高視

御覽六百八

房麗者趙之賢人立東門之外有行商車轄亡麗告之不悟復更

告商人怒曰吾轄自亡何須汝告惠加于己而反怒之吾欲比之

草木草木有心矣

御覽七百七十三

象曰身喪身不能去其白蒿曰勞自燒不能去其香

御覽九百八十三

張湛

湛字處度孝武時中書侍郎累遷光祿勳有列子注八卷

案元魏亦

有張湛字子然敦煌人崔浩薦為中書侍郎非即其人

嘲范甯

古方宋陽里子少得其術曰授魯東門伯魯東門伯曰授左丘明
遂世世相傳及漢杜子夏鄭康成魏高堂隆晉左太冲凡此諸賢
竝有目疾得此方云用損讀書一減思慮二專內視三簡外觀四
旦晚起五夜早眠六凡六物熬曰神火下曰氣篴蘊于胸中七日
然後納諸方寸修之一時近能數其目睫遠視尺捶之餘長服不
已洞見牆壁之外非但明目乃亦延年

晉書范甯傳甯常患目痛

就中書侍郎張湛求方湛

列子注序

湛聞之先父曰吾先君與劉正興傳穎根

傳咸子數字穎根王粲從孫宏字正宗見晉書

良吏

皆王氏之甥也竝少遊外家舅始周始周從兄正宗輔嗣皆

好集文籍先并得仲宣家書幾將萬卷傅氏亦世爲學門三君總角競錄奇書及長遭永嘉之亂與穎根同避難南行車重各稱力竝有所載而寇虜彌盛前途尙遠張謂傅曰今將不能盡全所載且共料簡世所希有者各各保錄令無遺棄穎根于是唯賚其祖玄父咸子集先君所錄書中有列子八篇及至江南僅有存者列子唯餘楊朱說符目錄三卷比亂正興爲揚州刺史先來過江復在其家得四卷尋從輔嗣女壻趙季子家得六卷參校有無始得全備其書大略明羣有目至虛爲宗萬品已終滅爲驗神惠已凝寂常全想念已著物自喪生覺與化夢等情巨細不限一域窮達無假智力治身貴于肆任順性則所之皆適水火可蹈忘懷則無

幽不照此其旨也然所明往往與佛經相參大歸同于老莊屬辭引類特與莊子相倡莊子慎到韓非尸子淮南子玄示旨歸多稱其言遂注之云爾

列子道藏本

張璠

璠安定人爲祕書郎參著作有周易集解十二卷後漢紀三十卷

後漢紀論蔡邕爲朱穆諡

夫諡者上之所贈非下之所造顏冉至德不聞有諡蔡朱二子各曰衰代滅否不立故私諡也

御覽五百六十二

論張松法正

劉璋愚弱而守善言斯亦宋襄公徐偃王之徒未爲無道之主也張松法正雖君臣之義不正然固已委名附質進不顯陳事勢若韓嵩劉光之說劉表退不告絕奔亡若陳平韓信之去項羽而兩

端攜貳爲謀不忠罪之次也

蜀志劉璋傳注

易集解序

蜜蜂曰兼采爲味

曹鈔一百四十七引易注序

依向秀本

經典釋文敘錄

沈寂

寂吳興武康人太元中爲博士累遷至光祿勳

皇子廟議

皇子依如大夫禮應立後宜先告權爲行廟告于禮無文宜先行廟告嗣而後迎繼嗣之身案禮君薨嗣子生太祝裨冕告于廟既葬嗣子生祝告于廟明夫宗廟者神靈之所宅是日存亡吉凶必先告于廟古今不革之制三代不易之典豈有興滅繼絕傳祀百代而誣亡者之靈滅告生之義耶緣情依禮謂宜先告于靈後迎繼嗣之身

通典四十七太元六年博士沈寂議

江熙

熙字太和濟陽人爲兗州別駕有毛詩注二十卷

皇子廟議

穀梁傳云公子之重視大夫則王子一例也請皇子廟祭用大夫禮三廟牲用少牢若繼嗣之身未準大夫祭用士禮宜權立行廟告嗣而後迎繼嗣之身

通典四十七
太元八年

又議

皇子雖有廟然無子不立廟故詔使立後烝嘗之祀稱皇帝有命命某繼嗣

通典四十七

難范甯

往因禮親反因禮疏何嫌頓盡乎未若相遺于江湖既還宜各反服也

通典九十六范甯云甲無子取乙爲後甲晚自生子乙歸本家後甲終必當有服江熙難

庾弘之

弘之太元中爲太學博士

朝臣上禮太子議

案武帝咸寧中諸王新拜有司近臣諸王公主上禮今皇太子國之儲副既已崇建普天同慶謂宜上禮奉賀

通典七十一太元十二年春臺符問皇太子既

拜朝臣奉賀應上禮否太學博士庾弘之議

優遇陳畱王議

陳畱王前代之後遇自上賓之禮皇太子雖國之儲副在人臣之

位今謂班次宜在王下

通典七十四太元十二年

庾敳

敳爲荊州別駕

荅殷仲堪問

荊州刺史殷仲堪問禮文如是此指釋有緦麻服而猶得祭者也當不普言新喪之親于所祭者邪別駕庾敳功曹滕恢主簿劉恬

答曰尋禮文當是指明有總服可曰祭耳不曰新喪之親于所祭者有服爲疑今世中傳重者而有從祖小功之服服既除恐不得曰二祖服近而不祭也

通典五十二

孫者之

耆之爵里未詳

明堂議

郊曰配天故配之曰后稷明堂祀帝故配之曰文王由斯言之郊爲皇天之位明堂爲上帝之廟故徐邈曰配之爲言必有神主郊爲天壇則明堂非文廟矣

通典四十四
太元十三年

徐乾

乾太元中太學博士安帝時進給事中_有穀梁傳注十二卷集
二十一卷

褚爽表稱太子名議

禮記曰夫人之諱雖質君之前臣不諱也案夫人國之小君君之

一體太子之母也而尚不諱則太子何嫌乎又禮君前臣各父前

子名又周公告父皆稱武王名益可明矣通典一百四太元十九

年義興太守褚爽上表

殷祭議

三年一祫五年一禘經傳記籍不見補殷之文宋書禮志三義熙

作元興

三年

李遼

遼清河人太元中行北魯縣令

上表請修孔廟

臣聞教者治化之本人倫之始所曰誘達羣方進德興仁譬諸土
石陶冶成器雖復百王殊禮質文參差至于斯道其用不喪自中
華湮沒闕里荒毀先王之澤寢聖賢之風絕自此迄今將及百

造化有靈否終曰泰河濟夷徙海岱清通紫庶蒙蘇鳧藻奮化而
典訓弗敷雅頌寂蔑久凋之俗大獎未改非演迪斯文緝熙宏猷
將何曰光贊時邕克隆盛化哉事有如賒而實急此之謂也亡父
先臣回綬集邦邑歸誠本朝曰太元十年遣臣奉表路經闕里過
觀孔廟庭宇傾頓軌式積弛萬世宗匠忽焉淪廢仰瞻俯慨不覺
涕流既達京輦表求興復聖祀修建講學至十四年十一月十七
日奉被明詔采臣鄙議敕下兗州魯郡津舊營飾故尙書令謝石
令臣所須列上又出家布薄助興立故鎮北將軍譙王恬版臣行
北魯縣令賜許供遣二臣聽徂成規不遂陛下體唐堯文思之美
訪宣尼善誘之勤矜荒餘之凋昧愍聲教之未浹愚謂可重符兗
州刺史遂成舊廟蠲復數戶曰供掃灑并賜給六經講立庠序延
請宿學廣集後進使油然而入道發剖琢之功運仁義曰征伐敷道
德曰服遠何招而不懷何柔而不從所爲者微所弘甚大臣自致

身輦轂于今八稔。違親轉積。夙夜匪寧。振武將軍何澹之。今震杆三齊。臣當隨反。裴回天邑。感戀罔極。乞臣表付外參議。宋書禮志一

許榮

榮會稽人。太元中爲左衛領營將軍。

上疏陳五違

今臺府局吏直衛武官及僕隸婢兒取母之姓者本臧獲之徒無鄉邑品第皆得命議用爲郡守縣令竝帶職在內委事于小吏手中僧尼乳母競進親黨又受貨賂輒臨官領眾無衛霍之才而比方古人爲患一也臣聞佛者清遠玄虛之神目五誠爲教絕酒不淫而今之奉者穢慢阿尼酒色是耽其違二矣夫致人于死未必手刃害之若政教不均暴濫無罪必天天命其違三矣盜者未必躬竊人財江乙母失布罪由令升今禁令不明劫盜公行其違四矣在上化下必信爲本昔年下書敕使盡規而眾議兼集無所採

用其違五矣。尼僧成羣，依傍法服，工誡羅法，尙不能遵。況精妙乎？而流惑之徒，競加敬事，又侵漁百姓，取財爲惠，亦未合布施之道也。

晉書會稽王道士傳

謝敷

敷字慶緒，會稽人。鎮軍郗愔召爲主簿，臺徵博士，皆不就。

荅郗敬輿書

至理深玄，非言象所喻也。

文選嵇淵碑

安般守意經序

夫意也者，眾苦之萌基，背正之元本，荒迷放蕩，浪逸無涯，若狂夫之無所麗，愛惡充心，耽昏無節，若夷狄之無君，微矣哉！卽之無像，壽之無朕，則豪末不足目，喻其細，迅矣哉！價躋惚恍，响而宇宙，則奔電不足目，比其速，是目彈指之間，九百六十轉，一日一夕，十三億想念，必響報成生死。裁句有一脫誤一身所種，滋蔓彌劫，凡在三界，倒

見之徒溺喪淵流莫能自反正覺慈愍開示慧路防其終凶之源
漸塞忿欲之微兆爲啟安般之要徑泯生滅已冥寂伸道品已養
恬建十慧已入微繫九神之逸足防七識之洪流故曰守意也若
乃制伏羸垢拂剗漏結者亦有望見買樂之士閉色聲于視聽遏
塵想已禪寂乘靜泊之禪祥納色天之嘉祚然正志荒于華樂昔
習沒于交逸福田矜執而日零毒根迭興而罪襲是已輪迴五趣
億劫難拔嬰羅欲網有劇溪牢由于無慧樂定不惟道門使其然
也至于乘慧入禪亦有三輩或畏苦滅色樂宿泥洹志存自濟不
務兼利者爲無著乘或仰希妙相仍有遺無不建大悲練盡緣縛
者則號緣覺菩薩者溪達有本暢因緣無達本者有有自空暢無
者因緣常寂自空故不出有已入無常寂故不盡緣已歸空住理
而有非所縛非縛故無無所脫苟厝心領要觸有悟理者則不假
外已靜內不因禪而成慧故曰阿惟越致不隨四禪也若欲塵翳

心慧不常立者。乃假曰安般。息其馳想。猶農夫之淨地。明鏡之瑩
剌矣。然則耘耨不怠。爲地地淨。而種滋瑩。剌非怠。爲鏡鏡淨。而照
明。故開士行禪。非爲守寂。在遊心于玄冥矣。肇自發心。悲盟弘誓。
秉權積德。忘期安眾。眾雖濟而莫脫。將廢知而去筌矣。是謂菩薩
不滅想取證也。此三乘雖同。假禪靜。至于建志厥初。各有攸歸。故
學者宜恢心宏模。植栽于始也。漢之季世。有捨家開士。安清字世
高。安息國王之太子也。審榮辱之浮寄。齊死生于一貫。遂脫屣于
萬乘。抱玄德而遊化。演道教。曰發矇表神變。曰源之于時俊。又歸
宗。釋華崇實者。若禽獸之從麟鳳。麟介之赴蚘蔡矣。又博綜殊俗。
善眾國音。傳授斯經。變爲晉文。其所譯出百餘萬言。揆暢幽賾。淵
玄難測。此安般典。其文雖約。義關眾經。自淺至精。眾行具舉。學之
先要。孰踰者乎。行者欲凝神反朴。道濟無外。而不循斯法者。何異
別夫之陟太山。無翅而圖昇虛乎。釋迦如來妙慧。足于曩劫。歷無

數已潛化至于眾生運會圓滿告成而猶現行六年已爲教端者
誠已鎮一紛邪莫尚茲也由是而觀可不務歟敷染習沈冥積罪
歷劫生與佛乖弗覩神化雖已微祚得稟遺典而情想繁蕪道根
未固仰欣聖軌未一暫履夕惕戰懼怒焉如擣是已誠心諷習已
鍾識習每遭明敎輒咨疑滯然冥宗已遠義訓小殊乃采集英彥
戢而載焉雖粗聞大要未悟者眾于是復率愚思推檢諸數尋求
明證遂相繼續撰爲注義并抄撮大安般修行諸經事相應者引
而合之或已隱顯相從差簡搜尋之煩經道弘深既非愚淺所能
裁衷又辭意鄙拙萬不勝一祇增理穢敢云足已闡融妙旨乎實
欲私記所識已倘遺忘而已耳儻有覽者願亮不逮正其愚謬焉

釋藏跡六出
三藏記集六

弘君舉

君舉傳里未詳

案隋志注梁有號騎將軍
弘戎集十六卷疑卽此

食橄

烝太湖天頭之白蘭肉乳之豚飢倉之雞色如瑇瑁骨解肉離書鈔

一百四十五

又取滸湖獨穴之鯉赤山後陂之萼伺漉冷豉及熟應分食畢作

躁酒炙宜傳酒便清香肉則豆不特麋當有脫誤若波潘急火中炙

脂不得熏親君子延嘉賓終日宴口口口書鈔一百四十二聞香者躑躅

干咽者塞門羅奠碗子五十有餘牛腩口擣炙鴨脯魚熊白麋脯

糖蟹濡臺車蠟主甜滋味遠來日醉之後悶下慷慨應有蔗漿木

瓜元李楊梅五味橄欖石榴玄拘葵羹脫煮各下一杯御覽八百四十九

大市覆豐之蒜東里獨老之醢大鹽雜目姜菽叛好使之春韭書鈔

一百四十六御覽八百五十五又八百六十六

竝催廚人來作茶粥熬油煎葱例茶目緇當用輕羽拂取飛麪馴

軟中適然後水引細如委縊白如秋練羹杯半在纔得一咽十杯

之後顏解體潤

御覽八百六十

辛晒

晒爵里未詳

洛成時與桓郎賤

桓宣武令下官將千二百人奄襲口營值天洪雨器仗沾溼塹廣深丈餘鹿角五重樓櫓嚴設自四更三唱攻逼至小食時不剋御覽三百三十七

祖台之

台之字元辰范陽人太元末爲尚書左丞免安帝初歷御史中丞侍中光祿大夫有志怪二卷集二十卷

荀子耳賦

夫惡勞而希逸實萬物之至誠何斯耳之不辰託荀子而宅形在瘠土而長勤無須臾之閒寧預清談而閉塞開鄙穢而聰明竭微

聽于門閭採羣下之風聲

魏文初聚十七

議錢耿殺妻事

尋建康獄竟因錢耿癲疾發作毆殺妻折無他變故將死之人不蒙哀矜之施無知之吏加眚大辟之刑懼非古原心定罪之議

御

七百三十九

與王荊州忱書

君須復飲不廢止之將不獲已邪通人識士累于此物古人屏爵

棄邑焚囂毀楹

書鈔一百四十八引兩條

道論

夫道曰至虛順通聖人曰忘懷兼應

初學記十七

論命

存亡壽夭咸定冥初

文選辨命論注

聞人爽

夷吳興人孝武末爲博平令

上疏劾茹千秋等

驃騎諮議參軍茹千秋協附宰相起自微賤竊弄威權銜賣天官其子壽齡爲樂安令賊私狼藉畏法奔逃竟無罪罰傲然還縣又尼姍屬類傾動亂時穀賤人饑流殍不絕由百姓單貧役調深刻又振武將軍庾恆鳴角京邑主簿戴良夫苦諫被囚殆至亡命而恆自醉酒見怒良夫已執忠廢棄又權寵之臣各開小府施置吏佐無益于官有損于國

晉書會稽王道子傳

劉敬宣

敬宣字萬壽彭城人鎮北將軍牢之子太元末爲王恭前軍參軍又參會稽世子元顯征虜軍事隆安初呂平王恭功加監朔將軍尋破孫恩加臨淮太守遷後軍從事中郎進輔國將軍元興中桓玄內逼奔姚興又奔慕容德還爲晉陵太守襲父爵武

岡縣男遷建威將軍江州刺史安帝反正自表解職尋除冠軍將軍宣城內史襄城太守呂伐蜀無功免官尋從征慕容超又拒盧循遷使持節督馬頭淮西諸軍郡事鎮蠻護軍淮南安豐二郡太守梁國內史轉左衛將軍加散騎常侍出爲使持節督北青州軍郡事征虜將軍北青州刺史領清河太守尋領冀州刺史進右將軍義熙十一年爲其下王猛子所殺

案微宣宋書有傳今宜列

晉末

報諸葛長民書

下官自義熙已來首尾十載遂忝三州七郡今此杖節常懼福過禍生實思避盈居損富貴之旨非所敢當

宋書劉敬宣傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷一百三十八終

全晉文卷一百三十九

烏程嚴可均校輯

郭元祖

元祖爵里未詳有列仙傳讚二卷

列仙傳讚

讚曰易稱太極是生兩儀兩儀生然後有人民有人民然後有生
死生死之義著明矣蓋萬物施張渾爾而就亦無所不備焉神矣
妙矣精矣微矣其事不可得一一論也聖人仰則觀象于天俯則
觀法于地日月運行四時分治五星受制于太微監無道之國吉
凶預見已戒王者動靜言語應效相通有自來矣夫然雖不言其
變化云爲不可謂之無也周書序桑螵問涓子曰有死亡而復云
有神仙者事兩成邪涓子曰言固可兩有耳孝經援神契言不過
天地造靈洞虛獨立五嶽設三台陽精主外陰精主內精氣上下

經緯人物道治非一若夫草木皆春生秋落必矣而木有松柏檀
檀之倫百八十餘種草有芝英萍實靈沼黃精白符竹筴戒火長
生不死者萬數盛冬之時經霜歷雪蔚而不凋見斯其類也何怪
于有仙邪余嘗得秦大夫阮倉撰仙圖自六代迄今有七百餘人
始皇好遊仙之事庶幾有獲故方士霧集祈祀彌布殆必因迹託
虛寄空爲實不可信用也若周公黃錄記太白下爲王公然歲星
變爲甯壽公等所見非一家聖人所已不開其事者已其無常然
雖有時著蓋道不可棄距而閉之尙貞正也而論語云怪力亂神
其微旨可知矣

赤松子

眇眇赤松飄飄少女接手翻飛泠然雙舉縱身長風俄翼元圃妙
達巽坎作範司雨

甯封子

奇矣封子妙稟自然鑠質洪鍾錫氣五煙遺骨灰燼寄墳甯山人
覩其迹惡識其元

馬師皇

師皇典馬廐無殘駟精感羣龍術兼殊類靈虬報德彌鱗銜轡振
躍天漢粲有遺蔚

赤將子輿

蒸民粒食孰享遐祚子輿拔俗餐葩飲露託身風雨邈然矯步雲
中可遊性命可度

黃帝

神聖淵玄邈哉帝黃暨莅萬物冠名百王化周六合數通無方假
葬橋山超昇昊蒼

偓佺

偓佺餌松體逸眸方足躡鸞鳳走超騰驤遺贈堯門貽此神方盡

性可辭中智宜將

容成公

疊疊容成專氣致柔得一在昔含光獨游道貫黃庭伯陽仰儔玄
牝之門庶幾可求

方回

方回頤生隱身五柞咀嚼雲英棲身隙漠卻閉幽室重關自廓印
改掩封終焉不落

老子

老子無爲而無不爲道一生死迹入靈竒塞兌內鏡冥神絕涯德
合元氣壽同兩儀

關令尹

尹喜抱關含德爲務挹漱日華仰玩玄度候氣真人介焉獨悟俱
濟流沙同歸妙趣

渭子

渭老餌朮享茲遐紀九仙既傳三才乃理赤鯉投符風雲是使
琴幽巖高棲遐峙

呂尚

呂尚隱釣瑞得蘋鱗通夢西伯同乘入臣沈謀藉世芝髓鍊身遠
代所稱美哉天人

嘯父

嘯父駐形年衰不邁梁母遇之歷虛啟會丹火翼輝紫煙成蓋眇
企昇雲抑絕華秦

師門

師門使火赫炎其勢乃秦虬龍潛靈隱惠夏王虐之神存質斃風
雨旣降肅爾高逝

務光

務光自仁服食養真冥遊方外獨步常均武丁雖高讓位不臣負石自沈虛無其身

仇生

異哉仇生靡究其向治身事君老而更壯灼灼容顏怡怡德量武王祠之北山之上

彭祖

遐哉碩仙時惟彭祖道與化新絲絲歷古隱淪玄室靈著風雨二虎嘯時莫我猜侮

叩疏

八珍促壽五石延生叩疏得之鍊髓餌精人曰百年行邁身輕寢息中嶽遊步仙庭

介子推

王光沈默享年遐久出翼霸君處契友推祿讓勤何求何取逝

影介山浪迹海右

馬丹

馬丹官晉與時汗隆事文去獻顯沒不窮密網將設從禮迅風杳然獨上絕迹玄宮

平常生

穀城妙匹諷達奇逸出生入死不恆其質玄化忘形貴賤奚恤質除塵汗終騰雲室

陸通

接輿樂道養性潛輝見諷尼父諭呂鳳衰納氣呂和存心呂微高步靈嶽長嘯峨嶠

葛由

木可爲羊羊亦可靈靈在葛由一致無經爰陟崇綏舒翼揚聲知術者仙得桃者榮

江妃二女

靈妃豔逸時見江渚麗服微步流盼生姿交甫遇之憑情言私鳴佩虛擲絕影焉追

范蠡

范蠡御柱心虛志遠受業師望載潛載悅龍見越鄉功遂身返屣脫千金與道舒卷

琴高

琴高晏晏司樂宋宮離世孤逸浮沈涿中出躍鱗鱗入藻清沖是任水解其樂無窮

寇先

寇先惜道術不虛傳景公戮之尸解神遷歷載五十撫琴來旋夷俟宋門矚意五絃

王子喬

妙哉王子神遊氣爽笙歌伊洛擬音鳳鸞浮丘感應接手俱上揮
策青崖假翰獨往

幼伯子

周客戢容泯迹泥蟠夏服重纊冬振輕紈作不背本義不獨安乃
眷周氏祐其艱難

安期先生

寥寥安期虛質高清乘光適性保氣延生聊悟秦始遺寶阜亭將
遊蓬萊絕影清冷

桂父

偉哉桂父挺直遐畿靈葵內潤丹桂外綏怡怡柔顏代代同輝道
播東南奕世莫違

暇丘仲

瑕丘通玄謫脫其迹人死亦死汎焉言惜遊步觀化豈勞胡驛苟

不覩本誰知其謫

酒客

酒客蕭條寄沽梁肆何目標異醇醴殊味屈身佐時民用不匱解
紱晨征莫知所萃

任光

上蔡任光能鍊神丹年涉期頤睚爾朱顏頃適趙子縱任所安升
軌拍梯高飛雲端

蕭史

蕭史妙吹鳳雀舞庭羸氏好合乃習鳳聲遂攀鳳翼參翥高冥女
祠寄想遺音載清

祝雞翁

人禽雖殊道固相關祝翁傷通牧雞寄驩育鱗道洽棲雞樹端物
之致化施而不刊

朱仲

朱仲無欲聊寄賈商俯窺驪龍捫此夜光發迹會稽曜奇咸陽施而不德歷世彌彰

修羊公

卓矣修羊韜奇含靈枕石大華餐茹黃精漢禮雖隆道非所經應變多質忽爾隱形

稷丘君

稷丘洞徹修道靈山鍊形濯質變白還年漢武行幸攜琴來延戒召升陟逆覩未然

崔文子

崔子得道術兼祕奧氣癘降喪仁心攸悼朱旛電麾神藥捷到一時獲全永世作效

赤須子

赤須去豐爰憩吳山三樂竝御朽貌再穌空往師之而無使延顧
問小智豈識巨年

東方朔

東方奇達混同時俗一龍一蛇豈豫榮辱高韻沖霄不羈不束沈
迹五湖騰影陽谷

劉翼夫人

婉婉弱媛廟符授鉤誕育嘉嗣皇祚惟休武之不達背德致仇委
身受戮尸滅芳流

犢子

犢子山棲採松餌苓妙氣充內變白易形陽氏奇表數合理冥乃
控靈犢倏若電征

騎龍鳴

騎鳴養龍結廬虛池專至俟化乘雲騰螭紆轡故鄉告已速移洞

鏡災祥情眷不離

主柱

主柱同窺道士精微玄感通山丹沙出穴熒熒流丹飄飄飛雪石
長悟之終然同悅

園客

美哉園客顏暉朝華仰吸玄精俯掇五醴馥馥芳卉采采文娥淑
女宵降配德升遐

鹿皮公

皮公興思妙巧纏繇飛閣懸趣上挹神泉肅肅清廟悒悒二間可
目閑處可已永年

昌容

殷女忘榮曾無遺戀怡我柔顏改華標舊心與化遷日與氣鍊坐
臥奇貨惠及孤賤

谿父

谿父何故欲在幽谷下臨青澗上翳委辱仙客舍之導已祕錄形
絕埃壒心在舊俗

山圖

山圖抱患因毀致全受氣使身藥輕命延寫哀墳柏天愛猶纏數
周高舉永絕俗緣

谷春

谷春旣死停屍猶溫棺闔五稔端委于門顧視空柩形逝衣存置
軌太白納氣玄根

陰生

陰生乞兒人厭其黷識真者稀累見因辱淮陰忘吝況我仙屬惡
肆殃及自災其屋

毛女

婉嬖玉姜與時邂逅眞人授方餐松秀實因敗獲成延命深古得意巖岫寄歡琴瑟

子英

子英樂水遊捕爲職靈鱗來赴有煒厥色養之長之挺角傳翼遂駕雲螭超步大極

服閭

服閭遊祠三仙是使假寐須臾忽超千里納寶毀形未足多恥攀龍附鳳逍遙終始

文賓

文賓養生納氣玄虛松菊代御鍊質鮮膚故妻好道拜泣踟躕引過告術延齡百餘

商丘子胥

商丘幽棲繼續妙術渴飲寒泉飢茹蒲朮吹竽牧豕卓犖奇出道

足無求樂茲永日

子主

子主挺年理有所資甯主祠秀掛琴龍簪已道相符當與訟微匡
事竭力問昭我師

陶安公

安公縱火紫炎洞照翩翩朱雀銜信告時奕奕朱虬蜿蜒赴期傾
城仰靚迴首顧儼

赤斧

赤斧頤真發秀戎巴寓迹神祠傾鍊丹沙髮雖朱髭顏暕丹葩采
藥靈山觀化南遐

呼子先

三靈潛感應若符契方駕茅狗蜿爾龍逝參登太華自稱應世事
君不端會之有惠

負局先生

負局神端披褐含秀術兼和藹心託宇宙引彼萊泉灌此絕岫欲返蓬山已齊天壽

朱璜

朱璜寢瘕福祚相迎真人投藥三屍俱靈心虛神瑩騰贊幽冥毛頰髮黑超然長生

黃阮丘

蔥靄巖嶺實棲若人被裘散髮輕步絕倫含道養生妙觀通神發驗朱璜告徧下民

女九

玄素有要近取諸身彭聃得之五卷已陳女九蘊妙仙客來臻傾書開引雙飛絕塵

陵陽子明

陵陽垂釣白龍銜鉤終獲瑞魚靈術是修五石漑水騰山乘虬子
安果沒鳴鶴何求

邗子

邗子尋犬宕入仙穴館閣峩峩青松列列受符傳藥往來交結遂
棲靈岑音響昭徹

木羽

司命挺靈產母震驚乃要報了契定未成道足三五輕騎宵迎終
然報德久乃遐齡

玄俗

質虛影滅時惟玄俗布德神丸乃寄鹿贖道發河間親寵方渥騰
龍不制超然絕足

道藏本
列仙傳

賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷一百三十九終